

ادبیات کمونیستیه بخبریه

هفته‌لق سیاسی ، ادبی ، علمی غزته‌در

جلد : ۳

سنه : ۲ ۸ رجب ۱۳۳۶ جمعه ایرتسی ۲۰ نيسان ۱۹۱۸ نومرو ۳۳ — ۶۴

اجمال افکار

اکم ایسته ، باضود پیلسه ایدی ...

« زمان » غزته‌سی سر محرر موقری شکری بک افندی به

بوکون ، پر خلوص ، پر عزم و ارادت بر حکومت مقدرات عثمانیه به نمک‌باندرد . بونکاه برابر مطیه فکرته ، سیر و سفرنده مشکلاته اوغرییور . یالیا ایدیورز . نه‌دن ، نیچون ؟ شو استفهاملره اجوبه مقنعه تدارک ایتک مقصدیله ادوار آفایه به ، وشیمدیلک ، هیچ اولمازسه ، جتتمکان سلطان عبدالحمید خان ثانینک عهد سلطنتنه طوغری بر سیاحت ذهنیه‌ده بولونه‌لی یز .

کچن عهدسلطنتده علم و معارف حقیقه تعمیم ایدلک ایسته‌نلسه ایدی ، ممکن اولوردی . نته‌کیم ، خاقان سابقک عصر حکومتده مکتب طیه بردور نوینه کیردی . (حیدرپاشا) ده مهیکل و مشکل بر عرفانسرای انشا ایدلدی . مکتب حقوق ، مکتب ملکیه ودها سائر ایریلی ، اوفقلی مکاتب تأسس ایتدی . دارالفنونک بیله تملی او قرنده آتلدی . اکر اوزمان ، نسبی واضافی برسرستی دائره‌سنده دارالفنون تنسیق ایدلسه ، معارفه دها فضله اهمیت ویرلسه ایدی ، بوکون ، بردانشوران اردوسنه مالک اوله جقدق . مطیه فکرتمز یالیا لامیه جقدی ، دها فضله منور انمز بولونه جقدی . بوکا شک و شبهه یوقدر .

هفته لقی تاریخ عرب و سیاست

[۱۱ - ۱۸ نیسان ۱۹۱۸]

حرب عمومینک هر ساحه ده تولید ایندیکی فعالیت او قدر بویو کدرکه، برهفته لقی وقوعات - عسکری اولسون، سیاسی اولسون - بر تاریخ تشکیل ایده جک درجه ده چوقدر.

چکن هفته موضوع بحث ایندی کمز (چرنین - قله مانسو) حادثه سی تبدیل شکل وماهیت ایده رک، قونت (چرنین) ک استعفا سی انتاج ایدی. ابتدا قونت (چرنین) ک، اسویچر ده فرانسه ایله غیر رسمی جریان ایدن صلح مذاکراتنک (قله مانسو) نک (آلساس - لورن) مطالبی یوزندن عقیم قالدیغنی ادعا ایتیه سی اوزرینه طرفین بوباده کی معلومات و وثائق رسمی تبلیغله نشر ایله مشلردی. بوند فرانسه نک صلح کرنلکی آکلاشادی وصیقیشان (قله مانسو) مسئله نک حیرانی تبدیل ایله، چکن ۱۹۱۷ سنه سی بدایتلرنده ایمپراطور شارلک (پرنس سیقت دو بوربون) یازدیغنی بر مکتوبک صورتی نشر ایتدی. کویا بومکتوبده ایمپراطور شارل، فرانسه نک آلساس - لورن حقنده کی محق املرینه مظاهرتی وعد ایتکده در. حالوکه آوستریا منابع رسمیه سی مکتوبک تحریف ایدلدیکنی وبالعکس مکتوبده «فرانسه نک مذکور ایالت حقنده کی املری اگر محق اولمش اولسهیدی...» دینلدیکی درمیان وادعا اولونمقده در. هر حالده قونت چرنین بویله بر مکتوبک نشرینه سبب اولدیغندن دولایی اولسه کرک که استعفا ایتشدز. غزلهل مشارالیهک استعفا سنده بومکتوب مسئله سیله برلکده، مسائل سائر دن طولایی ایمپراطورله آراسنده اختلاف افکار بولونماسی ده قید ایدیورلر. هر حالده قونت چرنین، صوک زمانلرده آوستریا ده موقع اقتداره کلن اک مقتدر بر خارجیه فاطری و جدأ دیپلمات ایدی. آوستریا نک چکن سنه دن بری کچیردیکی اک مشکل زمانلرده حسن اداره ایتشدی. شیمدی ایسه دول مرکزیه نک وضعیت عسکریه لری پک زیاده کسب قوت ایتدیکندن مشارالیهک خلفی دما سهولتله داره اموره موثری اولاییله جکده.

هفته نک وقایع سیاسی سی میانده انکتره ده کوریلان غرب تعرضنک مدھش عکس تأثیراتی ذکر ایده بیلیرز. انکلیز حکومتی خدمت عسکریه یی توسیع و ه ه یاشنه قدر تشبیلی حقنده بر قانونی قاماره یه قبول ایتدی. بوقانون خدمت مجبوری ایرلاندا یه ده تشمیل ایتکده د پک مضطرب موقعده قالان انکلیزلر، آرتق ایرلاندا لیلرک آلرینه سلاح ویریورلر. فقط ایرلانده شدتله پروتستو ایدیور. ظن اولونماز که اوراده خدمت مجبوریه سهولتله تطبیق ایدیله بیلسون. بومناسبتله (لوتید جورج) و (آسکویت) ک نطقلری پک جالب دقتدر. بونلر انکتره نک اک مدھش برتله کیه معروض بولوندیغنی و آمریقان بویوک بر معاونت کلامیه جکنی اعتراف ایدیورلر. بونطقلر اودرجه سوء تأثیر حاصل ایتشد که (لوتید جورج) قایینه سنک عن قصد چکیلک ایسته دیکنی بیله ادعا ایدنلر وار.

شرقده بسارایا مسئله سنک کسب ایتدیکی اهمیتی ده قید ایتلی یز. هر نه قدر بسارایا دیه تی بویوک برا کثرتله رومانیایه التحاقه قرار ویرمش ورومانیا باش وکیلی (مارکیلومان) کیفیتی بکرشه تبلیغ ایدرک آلفیشلا غمشه ده شمدی پیشمش آشه صوغوق صوقاتیللق ایسته نیور. رومانی مدھش بر مفلو بیتله مملکتی بویوک ضررلره گرفتار ایتدکن صوکره، ترک ایتدیکی دوبریجه یه مقابل اگر

بسا زابیانی آله بیاسه یدی بویوچک بر کار ایتمیش اولوردی . فقط اوقراینایا راداسی ، برنوطه تبلیغ ایدهرک اکثریت نفوسک اوقراینالی اولدیفنی و بسا زابیانیک رومانیا یه التحاقی قبول ایدهمیه چکنی سویله دی . دول مرکزیه حال انتظارده در .



مملکت مزه عائد حادثه لک اک باشنده اعاشه مسئله سی بولونیور . مجلس مبعوثانجه قبول ایدلمش اولان اعاشه قانونی نشر وموقع تطبیقه وضع ایدلدی . بوقانون اعاشه مسئله مهمه سنده اوچ سنه لک تجربه لک محصولی اولوب بمکک و اکمکک ذخائرک چفتجیلر یندن مقدار معینی مبیایه دن صوکره اوست طرفنی نقل و بیعه زراع و تجاری سربست براقده در . بوقانون مریجنجه تشکیله لزوم کوریلن اعیان ومبعوثانندن ، تجارت اوطه سندن ، ولایت و بلدییه مجالس عمومیه سندن منتخب ۲۲ کشیک هیئت شکل ایتدی . مملکتک وخلقک احتیاجاتی تأمینیه یارایه چک حسن خدمات مأمول ومنتظر در .

مجلس مبعوثان رئیس ثانسی حسین جامه بک آلمان غزته جیلرندن برینه واقع اولان بیاناتندن شومهم فقره لری اقتباس ایتدی یز :

« تورکیانک استقبالی شرقده در . قافقاسیه ده اسلام وتورک عنصری اکثریتده در . چینه قدر اولان بوتون ممالک تورکان ایله مسکون اولوب بوممالک آرمه سنده بشقه عناصرک ساکن اولدیفنی یرلر یوقدر . قافقاسیه ناک شمالده دیگر عناصر واریسه ده بونلر ایله مکملاً اوپوشه جغزی قویا امید ایدهرم . بز بو ممالکه قارشی اصلا آمال استیلاجویانه پرورده ایتیمورز . بناءً علیه بوتون قافقاسیه ایله صوک درجه ده مناسبات حسنه ده یشامام قلمزده برسبب کورمیورم .

خاتمه مقال اوله رق شونقطه دخی جلب نظر دقت ایدهرم که تورکیانک استقبالی شرقده اولقله برابر کنديسی بر دولت غربیه اولارق حس ایتمکه ووظیفه سی اوروپا مدنیتی آسپاده کی قرداشلرینه ایضاله وساطت عدا ایله مکده در . بوندن طولانی پایتختن استانبولک امنیتده بولونماسنه فوق العاده اهمیت ویریورز . پایتختنک امنیتی مشکوک براقه جق هر مفاوله ، چوق یشامیه جغندن نتیجه سز وعقیه قاله جقدر . »



صوک هفته نک وقایع حربیه یینه بک زنکیندر . آلمانلر برمدت سکوتدن صوکره شمالده (لابسه) قانالک اوست طرفندن (ایپر) ک آلت طرفنه قدر ۲۵-۳۰ کیلومترولک برجه ده شدید بر هجومه انکیز و پورتکیز موضعلرینی یارذیلر . بورالری آهنین دینه چک درجه ده مستحکم وجهه دن تسخیری غیرقابل ایکن آلمانلر ماهرانه صوت ومانوره لرله (آرماتیه ر) شهریه ده داخل اولدیفنی حالده اوجواری ضبط وه ۲۵ کیلومتر قدر ترقی ایتدیلر . ۲۰ بیک قدر اسیرایله ۲-۳ یوز طوپ الچیرلدی وانکیزلرک (ایپر) و (آرداس) جهه لرینک آراسنه طوغری برته لکلی چیقینتی حصوله کلدی . ایوم انکیزلرک وضعیتی بک فنادر .

شرق جهه لرینه کلنجه : آلمانلر فینلاندياده (هلسینگفورس) ی ضبط ایتدکاری کبی ، قهرمان تورک قوتلری ده باطوم قلمه سینی اوچ دوت کونلک جبری هجوملرله طاییه ، طاییه آدیم آدیم ضبط ایلدیلر . مدافع چته لک مدھش ضایعاتی وارد در . هنوز اسرا وغنائم تعداد ایدله مشدر . قرق سنه لک بر آیریلقدن صوکره یینه قوجاغمزده عودت ایدن سه ویملی باطومه سلام و تمنیات سعادت .

عسا کریمز وان کولی شرقنده ایلر یله مکده درلر .